

ENFORMAZIUNS Y COMUNICAZIUNS

KVW/1: Le KVW enviëia en domëgna ai 4 de merz ala 44. encuntada de vëdoi, vëdoes y porsones sores, co sarà ales 9:15 tl'Academia Cusanus a Porsenù. Le bus passa a Longega ales 7:45. S'anunzié pòn cina ai 29 de forà pa Tresele al 0474/501397 o Hilda Sottara al 0474/523133. Le iade è debann, la marëna costa 15,00€.

KVW/2: Dal 1. de merz ennant vëgnel en impiegat dal KVW da Bornech a tignì udiënza por pratiches soziales desvalies, vigne dëdölönesc dales 8:30 ales 12:30, te Raiun Sozial a Picolin. I sorvisc da denant romagn. Te Mareo èl Stachio Erlacher, vigne jöbia y vëndres dales 8:30 ales 12:00, te cïasa de comune. Por la detlaraziun dles cultes pòn déjö i documoné en lönesc ai 26 de merz dales 8:30 ales 12:30, tal ofize dal KVW a Picolin.

Carsëma/1: Al vën pité l'ocajun de vire la Carsëma te na manira plü sontida. Siur Pire da Oies se mët a desposiziun da condüje en grup de meditaziun en iade al'edema. La pröma encuntada è en lönesc ai 5 de merz ales 20:00, te Cïasa de Palsa. Düc è bel enviës.

Carsëma/2: Le grup "Il Pinzimonio Vocale" deboriada con deplü musizisc y sot la direziun musicala de Monika Mauch, enviëia a en concert de Carsëma dal titul "Membra Jesu nostri", en sabeda ai 25 de forà ales 8 da sëra, te dlijia d'Al Plan.

Carlascé: En dëdölönesc ai 21 de forà è döta la popolaziun, con o zonza maschera, enviada ala festa de carlascé. Les mascheres s'abina ales 14:00 sön plaza dal Sportcenter Mareo. Ales 14:30 defilada fina ete en plaza de dlijia, olache al sarà spo la premiaziun dles mascheres, da bère y da mangé por düc.

Scora elementara: Les iscriziuns ala 1a elementara vën tutes sö te scora en lönesc ai 27 de forà dales 14:45 ales 16:00. I mituns nasciüs danter le 01.09.2005 y le 31.08.2006 *mëss*, i mituns nasciüs danter le 01.09.2006 y le 30.04.2007 *po* pié ia a scora de setëmber 2012.

Biblioteches: La Caritas y les biblioteches dla Val Badia chir menturs dal li por mituns de migrancé. Chê ess pa en pü' de tomp lëde y orenté da ti trasméter la ligrëza por le lingaz y la vëia da li? Te sorantoles la funziun dal bun ijin y trasmëtes le lingaz te na forma lëdia. Les encuntades po gnì fates te biblioteca. Enformaziuns ciafun te biblioteca.

Jogn: Cöst' edema sarà le local dai jogn d'Al Plan davert en jöbia dômisdé dales 13:15 ales 17:15. Düc i jogn danter i 11 y i 18 agn è enviës da gnì a passé le tomp lëde deboriada pa na cartada, na partida a calceto, en film o n'atra ativité. I jogn y les jones ne mëss nia sté döt le tomp te local, mo ai po gnì y jì canche ai ô. Al è debann! Le Sorvisc ai Jogn s'aspeta!

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dëdemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da desciarié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

7. Domëgna dal ann liturgich B, ai 19.02.12 - nr. 13


"Mio fi, tū picës t'è lascës dō!"

Dal vagnele dô San Merch, 2, 1-12

Canche ¹Gejù ea gnü zoruch a Cafârnaum, ân aldì, ch'al ea endò a cïasa. ²Y al s'â abiné tan de jont ch'al n'ea gnanca plü lerch dan porta; y al ti encündâ la parora. ³An â condüt adalerch en paralisé co gnea porté da cater ëi. ⁴Mo deache ai ne sciafiâ nia da le condü pomez a Gejù, ài descori le tët, olache Gejù ea, à daori le plafonn y à lascé jö le paralisé ponü sön sôa barela. ⁵Canche Gejù â odü ci fede ch'ai â, ti àl dit al paralisé: Mio fi, tū picës t'è lascës dō! ⁶Mo valgügn stüdiës dla lege co ea sontès enlò se ponsâ adascusc: ⁷Cô po pa cösc chesçian baié ensiö? Al blastëma cuntra Idio. Chê po pa lascé dô picës ater co Idio su? ⁸Gejù â atira conesciü ci ch'ai ponsâ, y ti à dit: Ci sort de ponsiers ëise pa tal cör? ⁹Èl plü saori da ti di al paralisé: Tū picës t'è lascës dō!, o da di: Lea sö, tol töa barela y va encërch? ¹⁰Por ch'i sëise che le Fi dal Om à la potesté da lascé dô i picës tlò söla tera, ¹¹te diji: - y al s'â ôt pomez al paralisé - Lea sö, tol töa barela y va a

cïasa! ¹²L'èl è atira loé sö, à tut sôa barela y s'an è jü demez dan dai edli de düc. Danlò se fajea düc demorvëia; ai aprijâ Idio y dijea: Val' de te' ne n'anse ciamó mai odü.

Parora dal Signur. - Lalt a té, Gejù Crist!



- 1. Letöra:** Isaia, 43, 18-19.21-22.24b-25;
Salm 41: "Varëscemo, Signur, che cuntra te ài fat piécé"


- 2. Letöra:** 2. Lëtra de San Paul a chi da Corint, 1, 18-22

Da daori sö le Vagnele, pòl ti gnì a zacai cösc ponsier: les parores de Gejù ti somëia a na vedliscima cherta, co m'è gnüda scritta t'en lingaz che iu ne conësci nia. Deache Crist - co m'ô bun - l'â scritta propio por me, proi da capi le significat dles parores. Y chël püch ch'i capësci, metarài en pratica te mies operes.

Frère Roger - Taizé

SS. MËSSES Y FUNZIUNS DAI 19 AI 26 DE FORÀ

Stimada comunità, tal tomp che siur Heinrich è demez, saràl tlò pa nos val'dis al'edema siur Sepl Granruaz, co nes accompagnarà bonamonter cina Pasca. Al po ester che al sii endò variaziuns al orar dles mësses y dles funziuns. Le Consëi de Ploania nen baiarà tla sontada dai 22 de forà. I periun dô comprenjiun sce al è sté tan de cambiamoné tai ultimi tomps.



Oferta por la Ploania

19.02 - 7. Domëgna dal ann liturgich B

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por +nt Albert Mutschlechner dal Pech
por +nt Franz Flatscher, Chës Costes
por +nt Isidor Rindler de Costata
por +nta Elsa Taibon, Lé dla Crëda

Lönesc 20.02 - Feria dla 7a edema dal ann: Amata, Iordan, Iazinta

7.25: S. Mëssa de reng. por i 91 agn de vita
por +nc Feghile y Vittoria Rungger

Dédölönesc 21.02 - Memoria de San Pire Damiani: German, Tomësc, Gunthild

7.45: S. Mëssa ia La Pli

18.00: Corona (di dant: Lidia Taibon)

Dédemesaledema 22.02 - Capiun (dé de jain) - tomp de Carsëma

18.00: S. Mëssa con imposiziun dal cänder
por +nt Vijo Agreiter, Antersì
por +nt David Comploi de Mano
por +nt Franz Ties da Ras/Ritterkeller



Jöbia 23.02 - Feria dla 7a edema dal ann: Policarp, Romana, Otto

17.00: Les Staziuns


Vëndres 24.02 - San Matio Apostul: Ida, Irmengard, Matthias

7.10: S. Mëssa por +nta Veneranda Piazza Rindler
dai scolari por +nc Ferdinand y Frida Obwegs

Sabeda 25.02 - dô Capiun: Valpurga, Adelhelm, Adeltrud

17.00: Poscibilitè da se pissié

18.00: S. Mëssa por +nta Maria Zingerle Kehrler
por +nta Maria Frontull Erlacher
por +nta Notburga Erlacher, Berto



Oferta por la Ploania

26.02 - 1. Domëgna de Carsëma

6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por +nc Rubatscher - Erlacher
de reng. por la fam. Erlacher Tone y Martha

CARLASCÉ 21 DE FORÀ



Seht, der ist der beste Christ,
der von Herzen fröhlich ist;
der im Herzen lachen kann
und die Welt blickt heiter an.
Lasst uns Christen sein und Narren,
heute wie vor vielen Jahren.
Lachen wir in Gottes Namen!
Das ist Faschingsfreude. Amen.

SORVISE DAI MINISTRONE

Domëgna 19 de forà - 10.00: Alessia y Miriam Kaneider, Mike Kaneider, Angelo Marku, Florian Palfrader, Gabriel Willeit;

Domëgna 18.00: Jan y Vanessa Obwegs, Lucia y Max Obwegs, Martina Kaneider, Daniel Borroni; Lönesc (7.25), Dédemesaledema (18.00) y Vëndres

(7.10): Jan y Anna Trebo; Jöbia ales 17.00 (Staziuns): Esther Comploi, Davide y Sara Fontanella; Sabeda 18.00: Simone Crusafo, Alice y Luca Daverda, Kevin y Mark Kastlunger, Alex Rubatscher; Domëgna 26 de forà - 10.00: Daniel y Luca Comploi, Daniel Piazza, Herbert Piazza, Gabriel Ties, Melanie Ties; Domëgna 18.00: Asia y Mara Rungger, Elena Ties, Paula y Veronika Erlacher, Anna Chierchia.



I RECUPERUN LA JITA CON LA LÖSA!!!

Ministrone!!! Deache ara n'è en domëgna nia jüda da fà la jita con la lösa, la fajunse en domëgna ai 26 de forà. I s'encuntun ales 13:30 dan calogna, por jì deboriada sön la pista dla lösa de Munt da Rina. Ince i familiars dai ministrone è dër bel enviès da gnì empara. I jarun sö con auti privac. Gnide trec!



CAPUIN 22 DE FORÀ

Die Asche des Aschermittwochs symbolisiert zweierlei. Sie erinnert uns an die eigene Sterblichkeit: „Bedenke Mensch, dass du Staub bist, und zum Staub zurückkehrst.“ Und zugleich mahnt sie uns zur Umkehr. Deshalb kann der Priester, wenn er das Aschekreuz spendet, jedem Einzelnen auch sagen: „Bekehrt euch und glaubt an das Evangelium.“ In beiden Motiven des Aschermittwochs wird deutlich: Altes muss vergehen, damit Neues entstehen kann. Zugleich werden wir am Beginn der Fastenzeit daran erinnert, dass Kreuz und der Tod nicht das Ende sind, sondern Anfang eines ewigen Lebens bei Gott. Dazu laden wir ganz herzlich ein:

